

Broj: 101-346/17

Datum: 14.03.2017. godina

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *pružanje usluga štampanja i uvezivanja materijala* izabran ponuđač **TMP Društvo za zapošljavanje sišepih i slabovidnih osoba d.o.o. iz Sarajeva.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj **101-121/17 od 26.01.2017. godine** Komisija za javne nabavke je pokrenula proceduru po konkurentskom zahtjevu za dostavljanje ponuda koji za predmet nabavke ima *pružanje usluga štampanja materijala sa logom BHRT-a i FTV-a, kao i uvezivanja materijala*, sa predviđenim sklapanjem okvirnog sporazuma sa odabranim ponuđačem na period od jedne godine i na odobreni budžet u iznosu od KM 9.000,00 bez uračunatog PDV-a. Također, ovaj postupak nabavke je, u skladu sa članom 9. stav (1) Zakona o javnim nabavkama Bosne i Hercegovine, raspisan kao ugovor rezerviran isključivo za kandidate, odnosno ponuđače koji zapošljavaju, u odnosu na ukupan broj zaposlenih, više od 50% osoba sa invaliditetom, a koji ne mogu obavljati poslove u normalnim uvjetima.

Na predmetni postupak javne nabavke, objavljen na portalu javnih nabavki www.ejn.gov.ba dana 16.02.2017. godine pod brojem **113-7-2-5-3-20/17**, a u skladu sa članom 88. Zakona o javnim nabavkama Bosne i Hercegovine ponudu su dostavila dva ponuđača, i to:

- **TMP d.o.o. – Sarajevo** **KM 3.203,46**
- **Pamuk d.o.o. – Sarajevo** **KM 8.075,40**

Provjerom valjanosti primljenih ponuda Komisija je ustanovila da su obje primljene ponude pravno, tehnički i ekonomski validna, u skladu sa tenderskom dokumentacijom i Zakonom o javnim nabavkama Bosne i Hercegovine.

Pošto je ponuda ponuđača TMP d.o.o. iz Sarajeva bila za oko 2,5 puta niža od konkurentске ponude, Ugovorni organ je, postupajući u skladu sa članom 66. stav (1) Zakona, te članom

17. stav (7) uputstva za pripremu modela tenderske dokumentacije i ponuda, zatražio od ovog ponuđača i u zadanom roku dobio, prema ocjeni Komisije, valjano obrazloženje njegove niske cijene, Ugovorni organ je i njegovu ponudu uzeo u razmatranje za ocjenu i valorizaciju primljenih ponuda.

S obzirom da se radilo o konkurenstkom zahtjevu za dostavljanje ponuda, te da se dodjela ugovora isključivo zasniva na najnižoj cijeni tehnički zadovoljavajuće ponude, Komisija je postupila u skladu sa članom 89. stav (1) Zakona o javnim nabavkama Bosne i Hercegovine i izvršila izbor najpovoljnije ponude.

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu ove Odluke.

Obrazloženje niske cijene ponuđača TMP Društvo za zapošljavanje slijepih i slabovidnih osoba d.o.o. iz Sarajeva br. 49-0248/17 od 07.03.2017. godine i **Izvještaj Komisije za javne nabavke** od 14.03.2017. godine čine sastavne dijelove ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



Generalni direktor BHRT-a
Belmin Karamehmedović

Dostaviti:

- TMP d.o.o. Sarajevo
- Pamuk d.o.o. Sarajevo
- Arhiva